

LETTRE DV CARDINAL ANTONIO BARBERIN.

ENVOYEE DE ROME AV
CARDINAL MAZARIN.

A saint Germain en Laye.

Touchant les troubles de France.



A PARIS,
Chez la vefue ANDRE' MUSNIER, au Mont
saint Hilaire, en la Court d'Albret.

M. DC. XLIX.

Avec Permission.

Lettre du Cardinal Antonio Barberin , enuoyée de Rome au Cardinal Mazarin.



ONSIEVR,

L'estroite amitié que j'ay contractée avec vostre Eminence au poinct que vous commençastes à ietter les fondemens de la fortune ou vousa esleué la Reyne Regente de France , m'oblige maintenant plus que jamais à m'enquerir de l'estat des affaires de ce puissant Royaume dont vous estes l'administrateur & le Genie. Les nouvelles ordinaires & continuelles que ie reçois de iour en iour par le moyen d'un de mes amis, Gouverneur de Prouinces , & des plus aduancez dans les bonnes graces du roy , ont ietté mon esprit dans vne inquietude que ie ne scaurois vous exprimer qu'avec douleur pour l'apprehension que j'ay conceüe de quelque funeste accident , dont sans doute l'enuie de quel-

ques courtisans mal contents menace vostre Eminence, si i'adiouste foy aux bruits qui en courent icy par tout à Rome. La crainte que i'ay que cela ne soit veritable, & que vous ne foyez exposé à quelque euident & prochain danger ma fait resoudre, quoy qu'embarassé dans plusieurs affaires de grande consequence & tres-pessantes, de vous adresser la presente pour vous aduertir de mettre ordre à vos affaires & de songer à la seureté de vostre personne. Ie sçay bien que vostre esprit qui vous a donné le moyen de preuenir iusques à ce poinct d'honneur & d'autorité où vous estes à present, vous fournira assez de voyes pour vous déueloper des intrigues & éuiter les pieges qui vous pourroient tendre quelques mal-veillans, qui font gloire de se declarer ennemis de toute vertu, en s'opposant de tout leur pouuoir aux bons aduis & salutaires conseils de vostre Eminence pour le gouuernement & administration de l'Estat où vous commandez. Mais comme personne avec toutes les perfections & bonnes qualités imaginables n'est assez clair-voyant dans ses propres affaires, i'ay creu estre de mon deuoir de vous donner cét aduerrisse-

ment, afin que si les trahisons secretes & les
 sourdes menées de vos ennemis ne vous sont
 notoires & manifestes, vous puissiez à l'adue-
 nir vous tenir sur vos gardes & vous preparer
 aux euenemens qui pourront arriuer dans la
 reuolution des affaires. Au reste ie veux bien
 que vous sçachiez que i'ay souuente fois con-
 feré avec vos amis pour trouuer quelque expé-
 dient qui vous peut retirer des mains de vos
 aduersaires, sans vous exposer au hazard d'une
 cheute irreparable. Les accidens sinistres qu'ont
 encouru plusieurs grands personages, que le
 bon heur & leur adresse ioints à la bonne cō-
 duitte & à la prudence dont ils estoient parfai-
 tement doüez, auoit esleués au maniement des
 plus grandes affaires d'Estats tant au Royaume
 de France qu'és estrangers, font croire à la
 pluspart de ceux qui desirent vostre auance-
 ment que vous ne deuez pas d'auantage, sans
 estre tres-mal aduisé, demeurer dans vn Roy-
 aume, ou vray semblablement vous ne man-
 querez iamais d'estre le iouiet de la fortune &
 le rebut des hommes, en effet les affaires, à ce
 que j'entends, en sont desia arriuées iusques à
 ce poinct que l'on ne croit pas en cette ville
 qu'il

qu'il vōusreste encor deux mois de vie, ou trois tout au plus. La part que nous auons en vos interests, & l'amour qui nous attache si fortement à vostre personne ne nous permet aucun repos, le moindre bruiet nous donne l'alarme & nous fait soupçonner ce que chacun de nous voudroit empescher au peril mesme de sa vie, si vous sçauiez les symptomes que nous endurons toutesfois que nous faisons reflexion sur la mort tragique & funeste du Marquis d'Ancre, dont la memoire est encore auourd'huy abominable au peuple que vous gouuernez, en verité ie pense que vous changeriez les maximes d'agir desquelles vous vous estes seruiusques à present en d'autres plus conuenables & plus tolerables, c'est le moyen, ce me semble, le plus propre que l'on puisse trouuer pour gagner l'affection des hommes, il vaut mieux faire vn petit gain qu'vne grande perte, & amasser petit à petit que de perdre tout d'vn coup ce que l'on a recueilly que par l'espace de plusieurs années. Vous comprenez bien ce que ie veux dire, & ma pensée n'est pas si attachée que vous ne la puissiez entendre. l'aduouë que pendant les troubles & les con-

fusions de la guerre, il est d'autant plus aisé
 de s'enrichir aux despens du Prince que l'on
 fert, qu'il se trouue plus de personnes lesquels
 s'ingerent dans le maniment des deniers & des
 finances, mais que cela soit tousiours propre
 ie ne l'oserois dire, aussi ne le puis-je sans men-
 songe, & vous mesme le sçaez assez & le con-
 noislez maintenant par experience, estant re-
 cherché & poursuiui comme vn voleur, quoy
 qu'innocent pour tel, recogneu de tous les
 gens de bien neantmoins pour sauuer vostre
 honneur & la mettre à couuert des médisances
 pour oster la cause de l'animosité que la plus
 grande & la plus saine partie de cette nation
 tesmoigne auoir à lencontre de vous, bref pour
 vous conseruer au bien de vostre partie, vous
 deuez tascher de donner la paix & le repos tant
 desiré de tout le monde, en vn temps ou sans
 cela vous estes le but d'une haine generale &
 immortelle, qui vous rongera quelque iour
 iusques aux entrailles, ne vous imaginez pas
 de pouuoir surmonter tous les obstacles &
 tous les empeschemens qui suruiendront, les
 histoires nous fournissent vne infinité d'exem-
 ples de cette sorte. Ce seroit chose inutile de

vous en faire icy vn grand recit, d'autant que ie
 ſçay que vous n'en eſtes que trop informé. l'eſ-
 pere que vous y penſerez ſerieuſement, cette
 confiance croyez-moy, mettroit tout à fait
 mon eſprit en repos ſi ie ne craignois que l'exē-
 ple du Cardinal de Richelieu, dont vous eſtes
 digne ſucceſſeur, ne vous fit reculer en arriere,
 en eſperance de n'auoir iamais vn pire traite-
 ment que luy, c'eſt la ſeule conſideration qui
 m'a principalement meu à vous eſcrire ce mot
 à la haſte ſuiuant l'occaſion qui s'eſt offerte, qui
 fait que reſiteray les prieres que i'ay faites à vo-
 ſtre Eminence dès le commencement de la pre-
 ſente, ie vous coniure par ce qu'il y a de plus pre-
 tieux ſous la voute des Cicux, & par l'eſtroite
 amitié qui eſt entre nous, de mettre bas toutes
 les fauſſes aſſeurāces qui vous induiſe à perſiſter
 en l'eſtat où vous eſtes à preſent, conſiderez que
 ſi le Cardinal de Richelieu n'eſt iamais deſcheu
 de ſa fortune & des bones grāces de ſon maĩſtre,
 que ſon procedē n'eſtoit pas ſi eſtrange qu'eſt
 le voſtre, autrement qu'eſtant François de na-
 tion & non pas eſtranger comme vous, ſes
 actions eſtoient moins deſcrites, & ſes depor-
 temens plus tolerables: vous eſtes dans vn pays

de delices ou les hommes n'ayment les sang-
 suës qui les succent iusques à la mouelle des os,
 & qui transportent leurs richesses en des con-
 trées estrangeres; le ne dis pas que vostre Emi-
 nence soit notée de cette tache, mais seule-
 ment que ces pensées peuuent entrer dans l'es-
 prit du peuple, & que par consequent, vous y
 deuez aduiser. Voila ce que i'ay à vous mander
 touchant vos affaires de delà, vous asseurant
 de plus de la bonne disposition de vos parens
 & amis de cette ville, qui tous ensemble avec
 moy souhaittent avec passion vostre retour
 s'il estoit possible, songez y & croyez que ie
 suis,

De Vostre Eminence,

Tres-humble & tres-affectionné
& Confrere.....

De Rome ce 9. Feurier 1649.